

豐城縣志卷之六

武備志

兵制

武事

聖治建中文不廢武參設營汛整飭卒伍豐地平易跡絕豺
虎二百餘年兵革不覩小醜跳梁橫來外侮保衛是資
守望相助忠信甲冑禮義干櫓眾志成城居然却虜烽
燧永銷閭閻安堵長享承平衢歌巷舞作武備志

兵制

經制把總一員

專防縣汛駐劄縣城管轄各塘汛務巡緝奸匪訓練

豐城縣志

卷之六

兵制

兵技隸鎮標前營管轄

外委把總一員

協防縣汛駐劄縣城與經制把總巡緝奸匪協辦汛

務隸鎮標前營管轄

防守城汛弓箭鳥鎗兵丁名數

乾隆十七年間額設兵丁六十四名內字識一名

乾隆四十年後添設兵丁十名共計七十四名內弓箭

戰兵三名守兵三十三名鳥鎗戰兵二名守兵三十五

名字識一名

武事

漢

高帝五年灌嬰渡江破吳郡長遂定豫章會稽郡灌嬰傳

前志云按會城號曰灌城豫章名郡自此始領縣十八南昌其一豐時尙未析縣是卽南昌縣南境

興平二年冬十二月孫策擊劉繇於曲阿破走之繇攻

豫章笮融走死以華歆爲豫章太守通鑑綱目

建安四年冬十一月孫策徇豫章太守華歆降通鑑綱目

吳書江表傳曰華歆爲豫章太守孫策討黃祖旋軍

欲過取豫章使虞翻徑到郡謂歆曰討逆將軍智畧

超世用兵如神今欲守孤城自料貲糧已知不足不

豐城縣志

卷之六

武事

二

早爲計悔無及也今大兵已至椒邱明日日中迎檄

不到者與君辭矣翻旣去歆明旦出城遣使迎策策

卽定豫章引軍還吳策明年薨弟權代至建安十五

年乃析南昌南境置富城縣

晉

咸甯五年冬十一月晉大舉兵分道伐吳通鑑綱目

太康元年春三月吳主皓降晉吳亡通鑑綱目

武帝紀云孫皓面縛輿櫬降於軍門王濬送之京都

收其圖籍克州四郡四十三縣三百一十三富城屬

焉卽命移治豐水之西改曰豐城

梁

太平二年春二月梁蕭勃起兵廣州次於南康丞相陳

霸先使周文育擊勃獲其將歐陽頎傅泰勃為其下所

殺通鑑綱目

周文育傳云蕭勃舉兵踰嶺詔文育督師討之時新

吳洞主余孝頃舉兵應勃別將歐陽頎頓軍苦竹灘

傅泰據蹠口城在南康郡之北為犄角之勢文育於豫章立

柵會食盡使人遺周廸書約為兄弟廸時為臨川內史廸喜

許饋以糧文育分遣老小乘舫沿流俱下燒柵佯為

逃遁狀孝頃信之不設備文育由間道信宿達盱韶

豐城縣志

卷之六

武事

三

築城饗士頎大駭因退入泥溪文育遣嚴威將軍周

鐵虎等襲擒之遂至蹠口城攻泰泰亦敗蕭勃在南

康軍為其將譚世遠所殺夏侯明徹持其首降

前志云苦竹灘即苦竹洲在大江中距今縣西南三里許平衍廣袤約可容萬餘人按黃法輿傳太平元年割江西四郡臨川安城豫章巴山置高州以法輿為刺史鎮巴山後蕭勃歐陽頎來攻法輿破之則二年之起兵者專意以攻豫章也頎據邑苦竹洲以駐師控上游以扼豫章之吭誠得地利使傅泰由蹠口城相應上下合兵夾擊雖有金湯夫孰能禦耶其所以取敗者以周廸受文育之給而余孝頃不為設備所致夫用兵之法固在據險而虛實情偽尤不可不精研詳察若頎勃者非苦竹洲之險負彼實彼有以負斯洲之險也然文育亦才將也哉

隋

大業十二年冬十二月鄱陽林士宏稱楚帝據江南通鑑

綱目

江西大志云冬十月鄱陽賊帥操師乞自稱元興王
建元始興攻陷豫章郡以其鄉人林士宏為大將軍
詔治書侍御史劉子翊將兵討之師乞中流矢死士
宏代領其眾與子翊戰於彭蠡湖子翊敗死士宏兵
大振眾至十餘萬人二月士宏自稱皇帝國號楚豪
傑爭殺守令以郡縣應之其地北自九江南及番禺
皆為所有

前志云按士宏蹂躪殺戮極為慘烈豐邑受害尤
酷邑治幾廢自此陷於寇者數年

豐城縣志

卷之六

武事

四

唐

武德五年林士宏卒其眾遂散通鑑綱目

林士宏傳云弟鄱陽王藥師以兵二萬圍循州總管

王世畧破斬之士宏請降王戎士宏黨亦獻南昌地士

宏尋卒黨乃解散

按高祖既得南昌即於是年復置豐城縣至高宗
永徽二年始命移治章水之東即今之治所

乾符五年王仙芝餘黨陷洪州過豐城傅和率五百義

士與戰師潰死之綱鑑參
省志

天祐三年夏四月鎮南節度使鍾傳卒子匡時為留後

秋九月楊渥取洪都通鑑

時有李承勳者招討隴西李神福子也年二十三英
烈過人爲淮南節度使楊渥部將渥遣從秦裴攻鍾
匡時取洪州屢立戰功轉戰至邑楊梓洲救不至敗
死士人哀其忠武卽其墓側立廟祀之宋紹興中賜
額威顯雜見省志

南唐

莊宗時土寇四起王子邳與弟子邕子邦率眾衛鄉井
寇至子邳獨與戰救不至子邳死之省志本傳

宋

建炎三年十一月隆祐太后如虔州江西州軍多陷續編

豐城縣志

卷之六

武事

五

豫章書云兀朮分兵一自滁入江東一自蘄黃入江

西滕康劉珏聞金兵至奉太后出城由豐城舟行舟過

龍霧洲失金鐘於江又祈風投金花於潭次吉州方五日兀朮提兵於豐

城沿江追之太后仍舟行至泰和縣由萬安縣陸行

如虔州十二月金人屠洪州

紹興二年韓世忠統師二十萬道出豐城五月世忠至

洪州宋史參前志何穆傳

德祐元年江西提刑文天祥起兵勤王夏四月總統張
敏與元兵戰豐城死之宋史帝系紀

元

至正十二年紅巾賊渡江據州治萬戶熊某率眾破之

豐乘

十三年李明道集兵據州境學正毛鐸死之

舊志

冬十一月江西右丞火你赤以兵平富州臨江遂復瑞

州 豫章書

十八年陳友諒寇隆興路江西諸郡俱陷富州亦沒

元史

二十一年明兵分取江州諸路十一月偽漢左丞鄧克

明遣其員外羅天錫以簽省印及撫州建昌臨江汀洲

四路南豐甯都富州三州樂安臨川等十八縣印詣鄧

愈降 豫章書

豐城縣志

卷之六

武事

六

明

正德十四年六月十四日丙子宸濠反都御史孫燧副

使許逵死之時撫虔都御史王守仁奉勅往勘福建軍

亂十五日道經豐城縣尹顧佖亟白宸濠反狀且請討

賊守仁易服潛還至臨江幾為邏盜所及乃駐吉安檄

諸郡兵兵大集秋七月十八日過豐城師甚整二十日

攻南昌破之二十四日戰於黃家渡賊大潰二十六日

復戰於樵舍濠就擒 豫章紀事

嘉靖四十年八月閩越寇數千壓邑境徑長安趨臨江

民居洶洶四竄巡撫胡松檄按察僉事盧岐嶷提兵擊

賊敗之於楊湖賊遁去 郡志

國朝

順治二年大兵至江西南昌歸附豐城屬焉 前志

十二月土寇入城焚掠旋遁去請兵討平之 前志

八年突有賊入城橫恣屠殺邑治幾空大家世族遭毒尤酷隨入鄉剽掠除夜分部入四五坊村落任意殺戮

明日元旦更肆慘虐屍骸枕籍積二十餘里自有豐以來罹禍之慘無有甚於此者至今傳為高兵云 前志

時有廖文化茅裡鑽者大家之僕佃也性悖驚頗有一勇力鄉中不法子弟多附之各付一劊積至數千人

豐城縣志

卷之六

武事

七

白日淫殺莫敢誰何各鄉鼠盜即非其黨亦自稱廖賊帳下由是縣境騷然任賊所毒居民苦之乃共設為穿都法約村有賊則并一村之力討誅之昇其屍示各村村有賊而不誅者則合通鄉共戮其村彼此互防遠近交勦一年之間賊乃靖 前志

舊按云邑東南緊隣撫州鄉寇竊發自樂安者恃樓下為遮蔽自崇仁來者以同造為捍禦二處完固直北村落即保無虞而兩姓居民亦極激義堅守至有捐軀不悔者同造以山為障樓下則以堡為依蔣姓所築土垣藩籬周密隱若金湯分立四門繞以濠塹井井有法順治己亥康熙甲寅賊兵兩次衝擊卒不能破巡撫董提督趙親閱其地稱為一方重鎮并給文獎其義勇勒石至今猶存

咸豐三年五月粵逆由九江逼省會 大憲檄各屬圍

練七月朔逆分寇縣城召鄉勇擊之退時淫雨浹旬水驟漲稻盡漂邑無賴子煽饑民倡亂黃尹榮庚署縣廉得其情立擒禍首用重典懲之囂紛以定以下新增
六年二月逆渠石達開率匪十數萬由臨江趨撫州二十日分陷縣城四月江軍統領劉于濬帥師援豐張尹韶南督團勇助之二十二日克復
五月賊擾荷湖時臨撫皆陷賊自是數入境往來靡定團勇迭敗之

七年四月太史吳嘉賓統建武軍駐豐籌餉閏五月進攻樂安不克退賊襲之轉戰於仙山坑敗績六月賊隊

盧包營踞白馬寨肆荼毒益甚建武軍趨戰復失利初團勇遇梟賊輒怯至是憤甚皆極力捍禦賊所至輒摧七月協戎周鳳山率援師至豐撫州之賊三路至荷湖黃蘗界橋東皆告警團勇分禦之劉士奇大破賊於荷湖周協戎移駐杜家圍趣團練助勦坪陰鄉勇爭先擊賊夜襲之賊逸去

十月石逆率匪十數萬由撫州趨臨江二十五日徑橋東團勇禦之力不敵潰賊大肆焚殺去二十六日復合團勇追擊之

十二月臨江餘匪竄松湖鄉勇環擊殲之新淦餘匪擾

蜜蜂墟十六日入石港團勇禦之以大霧迷道失聲援
潰撫州之賊撲坪陰鄉勇不及備潰賊大肆焚殺遂復
踞白馬寨除夕襲縣城水師提督黃翼升趣隊登岸會
長左寶後諸營設伏要擊賊大敗擒戮無算

八年二月總戎李定泰擊賊於大鴻嶺民遠近爭餉之
遂大破賊餘匪入撫州

八月吉安餘匪竄蕉坑大守江忠義帥師援金谿道出
橋東留請移剿遂合鄉勇戰於蔣家樓賊逸追抵崇仁
十一年二月賊將李秀成竄撫州繞邑西南境踞樟樹
迭出拖船埠窺縣城官軍迎勦賊敗走新淦四月陷瑞

豐城縣志

卷之六

武事

九

州越邑西北境大肆焚殺鄉勇戰敗之七月分竄河東
西兩岸爵督鮑超駐軍陳家岡迎擊西岸賊盡殲之東
岸賊大窘竄荷湖逕杜家圍三江口遁

同治三年四月金陵餘匪踞崇仁官軍合圍勦之六月
賊分強隊取間道趨秀才埠欲寇縣城適爵督鮑超奉
調援撫次橋東趣隊截擊戰於石下鋒銳不可當賊驚
潰七月官軍入崇仁復大破賊俘其魁江境肅清

團練紀畧

豐邑自高兵後承平二百餘年矣髮逆竊發粵西蔓
延兩湖破皖江據金陵東南大震江右各屬奉大

憲檄仿堅壁清野法團練鄉勇互資捍衛咸豐三年五月賊由九江直逼省會豐邑戒嚴七月初一日河大漲賊乘巨艦撲縣城文炳漢等召鄉勇防遏賊仍由水道遁去五年冬偽翼王石達開由湖北入江右率匪眾十數萬瑞臨袁吉相繼陷逼近豐境張尹韶南集紳董諭令鄉城各設團局募精壯製器械逐日訓練遇警由各團紳董召集分防守隘河西毗連瑞臨防逆偷渡造戰船募水勇號劍江營時未請帑富捐貧出力相協以濟河東爲臨撫通衢邑隘口惟一坊保安三坊定安永安團局尤當賊衝六年二月

二十日石逆由吉安窺伺撫建周協戎鳳字營潰於新淦賊蜂擁四竄撲縣城以眾寡不敵猝陷張尹督各團並江軍水師砲船轟擊於四月二十二日克復五月賊由新淦復入荷湖保安團總劉士奇等身先團勇擊退十二月撫逆竄黃塘和安團總孫裕佐帶勇奮擊大敗之七年春蔡尹廷蘭札飭各團再加整頓適官軍合圍瑞臨賊感甚偽指揮黃巢二逆由縣境赴援定安團總陳定元邀各團堵禦馬嶺廟二月偽遜天侯率逆隊由泇溪橋趨臨陳定元帶勇追勦陳厚貴陣亡瑞臨賊以援至由鸚哥嶺竄境爲接應

計劉士奇截殺頗多全安團何勳煌帶勇助勦瑞臨賊遂孤聞五月吳太史嘉賓統建武軍進討樂安諭長安團總辛勤劉笏等隨同助勦官軍失伍賊氛復熾六月粵東盧包賊踞白馬寨大肆荼毒楊雲行楊暉臨遇害比分擾石灘石安團總熊煥熊景芬鄒培基等堵禦涼傘壩大腦窰灣等處團長熊效八裴學本陳正勝徐書元死焉復竄五坊張家巷五常團總李福亨涂綬李增輝涂賡傅啟沃潘星照邀集克諧團總王亮吳實鏞等督戰葛山橋團長熊禮祥雷童郎等十餘人俱戰死四坊傅秉乾督戰灘岡奮身殺

豐城縣志

卷之六

武事

十一

賊前後禦敵潰傷亦多據撫逆犯邑邊境

雷士琳袁嘉麟

王

喜聲力守佛嶺隘口東北界賊毋敢侵越二十八日

賊竄荷塘欲撲縣城蔡尹飭團總文炳漢黃先逵陸

運景李培本葛成章陸鰲督勇隨寶後營助勦並飭

李時倫帶劍江營同江軍水師往來曲江泉港以防

西渡賊焚掠牌樓等村遁七月周協戎鳳山統援師

至豐撫逆分三路擾境救援臨吉竄荷湖者經劉士

奇楊春臺劉士俊楊孟貴等督勇戰紫源嶺小挫團

長范旬六陣亡復戰大康城上二村堵禦十七晝夜

殺賊七百餘人竄黃柏界及橋東者和安團范正芬

朱振綱會同永安團徐彥楠等隨同周協戎進剿坪陰團長曾剛徐拔等邀集鄉勇各帶烏鎗夜襲賊賊遁九月復擊餘匪于潘橋士氣倍奮十月賊掠邑西南境劉士奇率勇往勦擒一賊目檢有援臨僞札當通函各團嚴防二十日石逆率匪十數萬援臨取道鄧家埠分掠縣境定安團黃相玉黃志誠雷維耀禦杜家圍永安團徐士紱鄧達輝禦馬鈴廟大安團鼎安團紳董督勇禦三溪津二十五日賊徑橋東徐彥楠高謙徐士紱趙思定等禦朱坊大橋黃瑞南分禦龍化橋力不敵潰羅允功蔡茂輝熊芳麟戰歿全安

豐城縣志

卷之六

武事

十二

團呂慕韓楊濬源保安團張丙照楊孟貴平安團熊啟文

司治文炳沅等會禦城岡山賊遂竄峽江十一月坪

陰鄉勇擊賊於崇仁之三山廟殺賊五十餘人十二

月初六日臨江餘匪竄松湖擾雄庄鄉勇環擊殲焉

又新淦餘匪擾蜜蜂墟劉士奇帶勇擊退 大憲以

劉士奇迭著戰績賞加五品軍功十六日賊復突入

石港劉士奇率勇禦之大霧爲賊所陷黃永興劉士

義曾尙林力戰死截去團丁數百賊勢愈張撫逆撲

坪陰突至不虞被戕鄉勇五十餘人焚劫無算由蛟

嶺竄踞白馬寨乘除夕潛襲縣城經水師提督黃翼

升帶劍江營李時倫率隊登岸會同長左寶後等營
並各團勇設伏南門外分擊殲之八年二月總戎李
定泰駐軍鎮上飭令各團以助聲威移軍直搗賊巢
殺獲千餘賊收餘匪入撫郡八月精捷營江公忠義
統師道出橋東初徐彥楠等從新字營進攻崇仁適
吉安餘匪擾境固留精捷營與保安團楊春臺定安
各團助戰於蔣家樓大敗之追抵崇仁復其縣城陣
亡團丁徐大勳蔡秉忠等百餘人徐彥楠陳定元楊
春臺等均蒙保奏獎敘十一年二月偽忠王李秀
士俊等由撫竄拖船埠意圖撲城經江軍水師協同劍江

豐城縣志

卷之六

武事

十三

營輪環砲擊卽竄清江三月李逆竄河西規頭等處
擄掠焚殺先是瑞陷邑邊境數被擾蔡尹札委舉人
周運鯤督辦團練未成遇害眾紳接辦集鄉勇數萬
緝斃多名賊颺去七月李逆回竄小嶺等處謀知有
伏迂道由泉港上游結筏潛渡東岸旋分股西岸沿
河夾竄唐坊石溪尙庄橫山故里等村受害尤劇時
爵督鮑超駐軍陳家岡進勦鄉勇數萬協力助陣大
敗賊殺傷溺死屍骸蔽野數十里賊從泉港競渡竄
拖船埠徑荷湖等處劉士奇堵截要路復折入杜家
圍直走三江口大肆焚掠哈尹尙阿於上渡造浮橋

濟鮑軍門師次小港賊偵知晝夜鼠竄畏如虎焉同
治三年四月金陵餘匪竄崇仁孫懋修稟縣詳請調
精捷精毅等營駐礮橋防勦奉札籌餉六月間鮑軍
門由河西進討張尹師亮造浮橋於黃埠腦濟師次
橋東遇賊殲滅之吾豐蹂躪數載或合門殉節或臨
陣捐軀或毀家紓難或遇賊不屈或裹脅未回或逃
亡失所版圖三百里不堪問矣幸鮑軍門兩次移勦
不旬日間全境肅清雖古名將亦不是過邑人士謂
髮逆肆虐酷於高兵而感德生全未有如鮑公者也